

[Timor-Leste Ministry of Finance](#)

Konsellu Ministru Aprova Proposta OJE 2019 Antes Haruka ba Parlamentu Nasional



Vise Ministra Finansas e Ministra Finansas Interina, Sara Lobo Brites, ohin iha sorumutu Konsellu Ministru, 7 Novembru 2018, apresenta proposta Orsamentu Jerál Estadu (OJE) Tinan 2019 ho total US \$1 .827 billiaun ne'ebé hetan ona aprovasaun hosi Konsellu Ministru antes submete ba Parlamentu Nasional (PN).

Orsamentu US \$1. 827 billiaun ne'e sei inklui mós imprestimus hamutuk 87 miloens no mos kategoria sira seluk hanesan Salarius Vensimentus, bens de Servisus, Trasferensia Públikas, Kapital Minor no Kapital Dezenvolvimentu.

“Proposta ne'e aban loron 8 Fulan Novembru 2018, bele lori ona ba Parlamentu Nasional bazeia ba desizaun Konsellu Ministru”, tenik Vise Ministra Finansas e Ministra Finansas Interina, Sara Lobo Brites depois sorumutu Konsellu Ministru.

Iha sorumutu ne'e , aprova mos proposta Lei Orgánika Ministériu Finansas hanesan entidade govenamental ne'ebé iha responsável ba konsensaun, ezekusaun, koordenasau no avaliasaun ba polítika ne'ebé difine no aprova hosi Konsellu Ministru ba área planeamentu, monitorizaun anuál orsamentu finansas.

Ministériu Finansas apresentas mos situasaun atual kona-ba divida Timor Telecom nian hahu'u hosi tinan 2015-2017. remata